


20
21
22
23
24
25
26
27
28
29
30
31
32
33
34
35
36
37
38
39

金索二

戈戩

量度


肆



5120
8622
印314

東晉永昌椎


黃小松司馬藏




一面 永昌元年二月四日

一面 小將申兩造

永昌祇一年東晉元帝之六年也




積古款識云永昌著年不一此據字體定為晉元帝時物段赤亭松苓云永昌元年不但王敦舉兵武昌石勒之遣騎士大寇河南此器於濟寧發工得之距武昌較遠安知非石勒部曲所造小將二字見漢書灌嬰傳吳志丁奉傳北史魏紀云放十二時置十二小將然則申兩實為小將非攜謙之詞也




東晉永昌槍

黃小松司馬藏




永昌元年
八月造

此鎗但識年月不言何人所造




漢元嘉刀銘

從宋王復齋款識摹入
原本未言銘刻何處
想在刀背上目拓本
長故截而為二



舊釋如此。鵬審官上泐文似共
字供官刀。猶景銘之有共。尉景
也。二下似寸字。宜上似者字。下半
蓋服者宜。侯王大吉。祥耳。而未
敢補也。

朱右甫云元嘉後漢桓帝年號是年四月改元永興是刀必作于四月以前而曰五月丙午者鑄陽燧必于五月丙午日中之時取其火德之盛耳 鳩考後漢書元嘉三年五月丙申改元永興非四月改元也惟五月中有丙子丙戌丙申而無丙午則造器者為之耳



後涼刀銘

時在東晉武帝太元十四年

燕谷 壹加

麟嘉


張氏曾太云後涼呂光以晉孝武太元中據河西僭稱天王麟嘉其紀年也陶隱居刀劍錄云光以麟嘉元年造一
刀長手尺六寸銘其背曰麟嘉

夏銅鼓銘

時在東晉安帝義熙四年




張氏曾太云董氏廣川書跋載陳封夏得銅鼓甚大銘曰龍昇元年七月大臣渙按龍昇為夏紀年崔鴻十六國紀赫連勃以銅為大鼓及飛廉翁仲銅駝龍常以黃金飾之列於宮殿之前疑即此也此鼓形製絕似西南夷所作鵬按七字作泰山朝時人每用之知不始于唐武后也



後梁招討使王彥章鐵鞭 舊在廟中今移貯汶上縣庫

五代史死節傳云王彥章字子明鄆州壽昌人事梁太祖為行營先鋒馬軍使末帝即位遷濮州刺史為人驍勇有力能跣足履棘行百步持一鐵鎗騎而馳突如飛軍中號王鍊鎗梁晉爭天下晉遣使招彥章斬其使末帝昏亂人趙巖張漢傑等用事大臣宿將多被讒聞彥章雖為招討副使而謀不克用龍德三年晉取鄆州梁人大恐宰相敬翔以死諫曰非彥章不可乃召彥章為招討使段凝為副末帝問破敵彥章對以三百皆笑之果以三日斬浮橋破晉軍巖等懼與凝各為捷書匿彥章書末帝勞凝不及彥章勒還第唐兵攻兗州末帝召彥章使守柅東路是時勝兵皆屬凝祇有保塞卒騎皆新募之兵不可用以屬彥章兵少戰敗退保中都唐將夏魯奇舉稍刺之傷重馬踣被擒不屈見殺鵬按汶上縣志載梁王太師廟在西門外感化橋西為彥章死節處有墓在焉蓋自晉高祖追贈太師故名其廟而不載其鞭畧矣兗州太守景履樓先生回事至汶自縣庫取此鞭見示曰會錄之非傳其鞭傳其人也



鞭以錢為之長
漢尺六尺二寸強
重今秤十五斤凡
十九節每節以
銅條束之柄飾
以木束以銅柄端
如錘四面環列赤
心報國四字似鎔
銅鑄就者故字
色深刃摹于下

赤

心

報

國

王鎮鎬威名揚十盪九決人莫當門鷄小兒視晉
王斬其耒使如犬羊耒帝昏亂梟鷓張屢建
奇勳匿不彰老臣寬憤摧忠腸授以劣卒驅沙
場失守中都賊逼坊招討一犯果即止誰拾此鞭
猶收藏中都嘉汶西南鄉逼坊之鎮不能詳崇祠
古墓風悲涼嗟乳果止招討不止人死留名鞭六香
人死留名別死
留名即彦章諱
令我拂拭心傍皇凜猶見錢鎔


錢鞭歌

靈鵬題




指南車飾

旁無題識
未定時代




元朱德潤古玉齋云右車飾以黍尺度高尺四寸二分下長七寸四分轄
木口負徑三寸七分管立木口負徑三寸七分琢玉為人形手常指南足
底通負窠作旋轉軸踏于虫尤之上延祐中獲觀于姚牧菴承旨
處鵬曾在姑蘇肆中見一銅人制度相似疑戰車所用曰摹刻于文弩之後




量度之屬 二之下

書言同律度量衡禮稱曰權概角斗角而其制失傳者秦權漢尺器嘉量數事蓋察也古今大小殊制短長異宜難以強合茲就其有銘刻者集量度之屬

秦權一 河南李氏



秦權二 河東王氏 俱从考古齋



一銘權

廿六年皇帝盡并
兼天下諸侯黔首
大矣立號為皇帝
乃詔丞相狀館法
度量則不壹歎
疑者皆明壹之
元年制詔丞相斯
去疾法度量盡始
皇帝為之者有刻
辭焉今繫師而
刻辭不稱始皇帝
其於久遠也如後
嗣為之者不稱成
功盛德刻此詔
故刻左使母疑
平陽斤

此銘載考古書十五行共一百字外有平陽斤三字一行

二銘權

廿六年皇帝盡并
兼天下諸侯
大矣立號為皇帝
乃詔丞相狀館法
度量則不壹歎
疑者皆明壹之
元年制詔丞相斯
去疾法度量盡始
皇帝為之者有刻
辭焉今繫師而
刻辭不稱始皇帝
其於久遠也如後
嗣為之者不稱成
功盛德刻此詔
故刻左使母疑
平陽斤

釋文同前

皆字令字與
前異餘詞同


此銘載薛氏款識十七行共百字末少平陽斤一行

卷一

邃古金藏

考古書云權各高二寸徑寸有九分容合重六兩銘一百有二字又有三字
 字曰平陽斤王氏同又云秦本紀始皇廿六年平六國號皇帝一法度
 衡石丈尺丞相綰者王綰也二世元年皇帝曰金石刻云始言金石
 刻而卒止言刻后據權之文云故刻左則史記石字當為左字丞相
 去疾姓馮


鵬按二銘皆權文無所謂秦斤者薛氏不察以一為權一為斤遂
 啓後人之惑不知斤乃斤西非斧斤也權形上弁下侈環而刺之
 故銘字上寬下廣非別有一斤也平陽斤者斤法以平陽為則
 耳考古本以平陽斤為權銘惟銘百字誤以為百有二字



釋文同前

二銘權

廿介本自王不盡
 其兼天下對侯
 則昔大矣立此
 不亦自王兩丁
 相狀縮將度皇
 則不盡兼器者
 皆曰盡也
 天不亦自王兩
 則本法陰陽也
 盡始自王兩為
 亦不亦自王兩
 然不亦自王兩
 皇不亦自王兩
 如後嗣繼生者
 稍成以盛德亦
 以勤故亦左傳
 曰親



皆字令字與
 前異餘詞同


此銘載薛氏款識十七行六共百字末少平陽斤一行

考古書云權各高二寸徑寸有九分容合重六兩銘一百有二字又有三字
 字曰平陽斤王氏同又云秦本紀始皇廿六年平六國號皇帝一法度
 衡石丈尺丞相綰者王綰也二世元年皇帝曰金石刻云始言金石
 刻而卒止言刻石據權之文云故刻左則史記石字當為左字丞相
 去疾姓馮


鵬按二銘皆權文無所謂秦斤者薛氏不察以一為權一為斤遂
 啓後人之惑不知斤乃斤而非谷斤也權形上弁下侈環而刻之
 故銘字上窄下廣非別有一斤也平陽斤者斤法以平陽為則
 耳考古本以平陽斤為權銘惟銘百字誤以為百有二字

新莽銅權二器

未詳形制以積古齋摹陳仲魚臨本




律石衡蘭
 奉。容六升
 始建國元年
 正月癸酉
 朔日制




律石
 始建。元年
 正月癸酉
 朔日制

未知缺篆字

積古款識云漢王莽傳以十二月朔癸酉為始建國元年正月之朔
 莽以十二月為歲首則此銘正月朔即孺子嬰初始元年之十二月朔也
 薛氏款識載注水匱与此權蓋一時所制彼云律斤衡蘭此云律
 石衡蘭石与斤皆權也律石衡當是官名蘭當是人名莽傳載
 莽策羣司之辭有曰百煒象平考量以銓此即命鑄權量之辭
 也



漢谷口銅角銘 從薛氏識



谷口銅角


容十斗

斗字薛
誤釋升
下同

始元四年

南方

左馮翊造



谷口銅甬容十

重卅廿露元年

十月計掾章平


左馮翊府

北方縣南

薛氏款識引古器物銘云谷口銅甬舊藏劉原父家一甬而再刻銘始歐陽公集古錄金石遺文自三代以來法書皆備獨無西漢文字求之累年不獲會原父守長安故都多古物奇器原父好奇博識皆求而藏之寗後得斯器及行鐙博山香爐模其文以遺歐陽公于是西漢之文始傳于世蓋收藏古物寗始于原父而集古錄自歐陽發之後求學者稍知搜技奇古皆二公之力也

漢嘉量

見西清古鑑



黃帝初祖
德而于虞
虞帝始祖
德而于新
歲在大梁
龍集戊辰
戊辰直定
天命有民
據土德受
正統即真

黃帝初祖

德而于虞

虞帝始祖

德而于新

歲在大梁

龍集戊辰

戊辰直定

天命有民

據土德受

正統即真

改正建丑

長壽隆崇

同律度量衡

御當前人

龍在己巳

歲次實沈

初班天下

萬國永遵

子孫

享傳億年

改正建丑
長壽隆崇
同律度量衡
御當前人
龍在己巳
歲次實沈
初班天下
萬國永遵
子孫
享傳億年

御即稽字

律嘉量斛
方尺而圍其外
應周九釐五豪
圍百六十二寸
深尺
積千六百廿寸
容十斗

律嘉量斗
方尺而圍其外
應周九釐五豪
圍百六十二寸
深寸
積百六十二寸
容十升

律嘉量升
方二寸而圍其外
應周二釐九豪
圍百六十二寸
深二寸五分
積萬六千二百分
容十合

律嘉量合
方二寸而圍其外
應周九釐
圍百六十二寸
深寸
積千六百廿分
容二篇

律嘉量斛
方尺而圍其外
應周九釐五豪
圍百六十二寸
深尺
積千六百廿寸
容十斗

律嘉量斗
方尺而圍其外
應周九釐五豪
圍百六十二寸
深寸
積百六十二寸
容十升

律嘉量升
方二寸而圍其外
應周二釐九豪
圍百六十二寸
深二寸五分
積萬六千二百分
容十合

律嘉量合
方二寸而圍其外
應周九釐
圍百六十二寸
深寸
積千六百廿分
容二篇

金石記作方寸
不合

律嘉量籥
 方寸而圓其外
 應有九豪
 廣百六十二分
 順五分
 積八百一十分
 周知黃鍾

律嘉量籥
 方寸而圓其外
 應有九豪
 廣百六十二分
 深五分
 積八百一十分
 容如黃鍾

西清古鑑云右斛斗升合籥凡五統曰量為一器合今尺通高八寸二分通潤一尺六寸五分斛深七寸二分徑一尺四分半深七分有二徑與斛同升深一寸八分有一徑二寸一分合深七分有三徑一寸一分合深三分有六徑一寸蓋莽尺每一尺當今七寸二分通重三百六十三兩王莽篡漢蹄曰新其偽詔曰予伏念皇初祖考黃帝皇始祖考虞帝此銘首四語是也歲在大梁龍集戊辰則居攝之三年改元初始矣戊辰直立則始篡之日按漢


書以戊辰直立御王冠顏師古注謂其日當定則猶言定日也莽妄稱火德銷蓋土德當代故言據土德其曰改元建丑蓋莽以戊辰十二月朔祭酉為建國元年正月之朔也又漢書莽策羣司有曰白煒象平考量以銓攷其時為建國元年今銘云龍在己巳歲次實沈適合蓋銘詞先叙其篡位之始而制器則建國元年也大梁昂星季春之月實沈商星孟夏之月故戊辰申歲在大梁己巳日歲次實沈皆歲星所在也周禮稟氏為量銘曰嘉量既成以觀四國而此器亦名嘉量恭假周禮以愚惑天下於此亦見又據黃鍾之律積籥為合積合為升以至於斛居然有虞氏之制度故曰律嘉量也庀旁云、庀吐厭切廣韻謂不滿之貌莽為漢臣而盜竊名號臣於改元朔異器制其銘詞曰初班天下萬國永遵子孫享傳億年與秦二世世傳之萬世者同一妄誕今採入畜錄不書新而仍命之曰漢亦春秋遺意耳


兩漢金石記云莽時量銘五段前一段其銘文也後則分鑄于斛斗升合籥也漢律應志量起于黃鍾之籥合籥為合十合為升十升為斗十斗為斛而五量嘉矣其法用銅方尺而圍其外旁有庀為其上為斛其下為斗左耳為升右耳為合籥注鄭氏曰算方一尺所受

一斛通九釐五豪然後成斛今尚方有王莽時銅斛制畫與此同也
按王莽銅量未知存否今所見摹本篆文如此又云前一段篆文二
十行、四字惟第十三行五字、大建初尺將及寸許斛斗二段各七
行每字五分許升合龠三段各七行每字或二分許或三分許

鵬按金石記所錄銘詞雖有摹本而篆楷相錯字畫不準且篆法
亦未合如翬作翬贖作贖之類今從西清古鑑更定焉又市字翁
釋作米今觀隋志明是市字說文市周也言反之而周也疑取帝德
周而復始之義原字翁書稟釋作寬鵬謹按隋志係是罽字此當
為罽之消文罽百六寸者言圍圓之寸數以勾股法求之自見又以
十乘之故積千六百寸也漢志但云重二鈞而不載其銘詞惟隋律歷
志引後魏景明中并州人王顯達獻古銅權一枚上銘八十一字其銘
云律權石重四鈞又云黃帝初祖德布于虞云以新稱之重百
二十斤與此第一銘同而多上六字六字當是別刻一處不與銘文
相連其重四鈞較漢志則多二鈞今此量重二十二斤餘即以新稱
衡之亦無四鈞當別是一器隋志又收律嘉量斛銘入嘉量而以黃帝
初祖銘入權衡蓋因其銘之上有律權石重四鈞六字故以此為王莽


時銅權而斗升合龠四銘不錄為竊謂此即莽量蓋量之則為
嘉量衡之則為權隋志誤分為二也又考十六國春秋後趙錄云趙
王三年王和掘得圓石狀如水碓銘曰律權石重四鈞同律度量衡
有新氏造泰軍續咸以為王莽時物遂命下禮官為準程云
銘文雖簡而畧同惟云負石殊不相合豈莽時以石為權耶周之
嘉量容一鬴故重一鈞莽之嘉量容一斛故重四鈞實不相遠也





漢建武太官鍾

从博古齋
減小



銘


大官銅鍾
武十年工伍興造
考工令史出丞或命
通主太僕監掾蒼省

大官銅鍾容一斛建
武十年工伍興造
考工令史出丞或命
通主太僕監掾蒼省

博古齋云器高一尺五寸五分深一尺三寸口徑五寸八分腹徑一尺二寸容
二斗九升五合重三十一斤二兩建武二十年歲在甲辰乃東夷率衆
內附正極治之時器制類壺而銘曰鍾酒器也 鴨案此鍾乃量
名如豆區釜鍾之鍾非酒器也

漢永建鍾

見西清古鑑




銘

永建元年四月廿五日。王張文高。作。鍾

西清古鑑云右高一尺一寸四分深八寸六分口徑四寸四分腹圍二尺四寸六分重一百二十七兩兩耳有環銘云永建九年則東漢順帝紀元也

永建元年四月廿五日。王張文高。作。鍾

漢會官鍾一




銘

食官一年造
重五十斤四兩

食官一年造
重五十斤四兩

器高今尺一尺三寸九分深一尺一寸六分口徑六寸腹圍三尺五寸二分重今
權十斤七兩銘十一字食官之名見周禮膳夫注食官之長想漢人亦
沿其制一年疑即元年未改元之稱其年字似五鳳二年石刻

漢食官鍾二



銘


食官鍾重五十斤十年六月乙未望日造

器高今尺一尺三寸七分深一尺二寸五分口徑五寸二分腹圍三尺四寸二分重今權十一斤四兩与前一年鍾相似前銘先紀年後記數以銘先言數後紀時一也



漢長區

見西清古鑑




銘

長區容一斗


長區容一斗

西清古鑑云右高六寸九分深五寸二分口徑三寸一分腹縱七寸二分橫三寸二分重五十兩耳有環左氏傳齊嘗四量豆區釜鍾杜預注四豆為區容十六升而此銘曰長區容一斗蓋自春秋至漢制之廣狹已不侔矣




周素缶

見西清古鑑




西清古鑑云右通蓋高八寸二分深六寸五分口徑二寸八分腹縱五寸五分橫九寸六分重一百二十八兩耳連環按岳制大腹而斂口可以節樂可以盛酒漿爾雅疏謂是瓦器而禮器五獻之尊門外岳門內壺是岳尊彝之類又小爾雅釜二有半謂之數二有半謂之岳二謂之鍾是岳亦量屬与豆區釜鍾同合二說與茲器觀之則岳制不得專屬之陶入矣

鵬按今人但知岳為瓦器而不知有銅器且不知其為量名故謹錄西清古鑑以為量屬增一器焉




漢純素方斗

見西清古鑑



西清古鑑云右高四寸七分深四寸口徑五寸九分足徑三寸六分重六十六兩按許氏說文斗大升也此與飲器自別



漢建初銅尺

舊為江都閔義行藏後歸孔東塘民部今在衍聖公府

鵬至曲阜王虹樓每以公府借觀是尺色無朱綠而醇古動人其尺廣此尺之一寸厚半之重今廣磁平十八兩蔡南語余云拓本長短不齊乃以原尺量仿二尺以其一贈余

建初六年八月十八日造

慮僂銅尺建初六年八月十五日造

郡國志慮僂屬并州太原郡顏師古音為慮夷

山左金石志云居易錄云漢章帝時冷道舜祖下得玉律以為尺與周尺同日鑄為銅尺頌郡國謂之漢尺此或其遺歟吳江沈冠雲形著周官祿田考未見建初尺狀其所繪古尺畝與此正同高若訥依隋志定十五等尺第一為周尺即此也江寧周幔亭集云曲阜孔氏所弄銅尺與沈冠雲所用尺同孔氏部尚任云建初尺與周尺同當古尺一尺三寸六分當漢末尺八寸與唐開元尺同當宋省尺七寸五分當浙尺八寸四分當明部定官尺七寸五分弱當今工匠尺七寸四分當今裁尺六寸七分當今量地官尺六寸六分當今河北布尺四寸七分以上各說皆精數

鵬按宋省尺七寸五分七字當作八

漢建初銅尺歌



城南亭子槐陰涼拓文乃原漢季章心知此尺在闕里徒觀文
篆一行建武銅尺周又曰以校後代皆臣長惜哉荀公未見此七品
猶素微弱強世祖之孫好儒術四年帝觀下太常建初年去
建武近中無以表氏不忘隋書雜錄十五等此尺早出非難量運
武尺馮建初初周禮尺制應加符其時錢官屬郡縣官鑄
冠銅丹陽况於玉律度為尺文學得自零陵豫林廬夷土俗
別大陸有錢扇熾揚慮佛豈由俗間鑄何以寶傳茲方荀公
不以此生晚可正古尺神傍復同現更辨字體好今日樂未失
孔隆壬辰六月秀水錢載作




是歲八月辛丑朔十五日癸巳卯乾隆癸巳三月廿有西
日嘉定錢坫觀于白紙坊南廡舍



晉尺

以宋王復齋款識摹入 較漢建初尺短二分許




周尺 漢志 鎡歌 銅尺 後漢建。銅尺
晉前尺 並同

舊釋如是 鵬按周字武字一畫不全蓋銅質剝蝕之故吳江
沈冠雲以為首多一字係誤衍者非也考篆文周字朱育集
字有作八尺者与此邊四畫同其為周字無疑武字古老子作戲也

鵬又考晉律歷志云武帝泰始九年中書監荀勗校大樂八音不和始知後漢至魏尺長于古四分有餘乃部著作郎劉恭依周禮制尺所謂古尺也更鑄銅律呂以尺量古器無差勗銘其尺曰晉泰始十年中書考古器揆校今尺長四分半所校古法有七品一曰姑洗玉律二曰小呂玉律三曰西京銅望臬四曰金錯望臬五曰銅斛六曰古錢七曰建武銅尺姑洗微強西京望臬微弱其餘与此尺同銘六十二字此尺者勗新尺也今尺者杜夔尺也晉志如是未有前尺之名前尺見于隋志載十五等尺一周尺與漢志玉莽時劉歆銅斛尺後漢建武銅尺晉泰始十年荀勗律尺為晉前尺祖冲之所傳銅尺近同二晉田父玉尺梁法尺實比晉前尺一尺七釐三梁表尺比晉前尺一尺二分三釐一豪有奇四漢官尺比晉前尺一尺三分七毫與晉始平時掘得古銅尺近同五魏尺杜夔所用調律比晉前尺一尺四分七釐六晉後尺比晉前尺一尺六分三釐晉氏江東所用七後魏前尺比晉前尺一尺二寸七分七釐八中尺比晉前尺一尺二寸一分二釐九後尺比晉前尺一尺二寸八分一釐後周布尺開皇官尺同十東魏後尺比晉前尺一尺五分八釐十一蔡邕銅籥尺後周玉尺比晉前尺一尺一寸五分八釐十二宋氏尺比晉前尺一尺六分四釐錢樂之渾天儀尺後周鏡尺開皇鍾律尺同十三開皇十年萬寶常律呂亦尺比晉前尺一尺一寸八分六釐十四雜尺趙劉曜渾天儀圭尺比晉前尺一尺五分十五梁朝俗間尺比晉前尺一尺七分一釐是隋志以晉前尺為本而一周尺云又與是尺銘文相似則是尺疑隋時造非晉時造也


宋三司布帛尺

舊藏華陰王山史家
 後歸曲阜孔東塘農部
 此以柱未谷拓本



山左金石志云宋史職官志三司總國計應四方貢賦之入朝廷不預一歸三司通管鹽錢度支戶部籍曰計省位亞執政目為計相三司故得自置尺也又食貨志布帛宋承前代之制公私織造須幅廣二尺五分民所輸絹疋重十二兩河北諸州軍重十兩各長四十二尺此三司通管天下布帛有定尺也三司尺即所謂省尺與浙尺異孔氏所藏漢建初尺當省尺七寸五分當浙尺八寸四分鵬按七字當作八若此尺亦五分止漢尺之八寸八分耳

鷗又按金石志又別繪五寸齒式云嘗奉三司尺五寸于此當今工部營造尺
 四寸三分強倍之可得是尺全齒鷗取而倍之以較泗水王君容谷家格
 所刻桂末谷全拓本乃短至五分訝其懸遠細思之此必金石志拓本回
 墨燥而縮王氏所刻又過衣祿而伸也今以桂本減去一分摹刻庶幾
 近之若以金石志半尺之式則建初尺乃當此三司尺之九寸矣與前所
 云當此尺七寸五分者大相齟齬也



倣周尺二

附 从桂氏拓本

周尺

尺當宋三司布帛尺七寸五分弱實今營造尺六寸四分強


桂末谷云此尺拓本為裝標者誤長分許鷗今截去
 分許以應宋布帛尺七寸五分數

沈彤輯祿田考摹秦熹鐘鼎款識所載周尺

倣漢錢尺

漢錢尺當今營造尺七寸五分


以上三尺皆後人所仿造故附于諸尺之後



元大德權


面正

面背




嘉慶廿四年
滋陽縣南李
社民周繼海
傭工創地得
此權以為廢
銅予主人後
洗出字以為
寶也攫而去
之主人不服
訟于典史斷
歸周氏


權稱錘也。虞書同律度量衡，非權不足以定輕重。此權
 匱而六觚，重今庫砵二十三兩六錢。上刻濟南路總管府較
 勘相同。大德九年造十五字大德為元成宗年號。考泗水
 縣有重循昭惠靈顯王廟碑，又登縣有崑崙山東華宮記，
 皆在大德九年。史稱成宗時賾相登朝，河清致瑞，憂國愛
 民為守成令主，則其較勘權衡以同天下宜矣。



大德權二



此銅權見于嘉祥制六觚而一面刻字，与前稍異。東平路即東平州地，其領
 縣則須城、東阿、陽穀、汶上、壽張、平陰也。元太祖時嚴忠濟為東平路管軍
 萬戶總管，行總管府事，領五州縣，則總管府之權重矣。




餘論

五權字

律度量衡日用之至不可缺而六至難齊古有黍累鍾錙銀鈞
鈔鎰之目其詳不可得聞矣然其可考者如漢志隋志言度則
分寸尺丈引也言量則龠合升斗斛也言權則銖兩斤鈞石也黃
鍾之重一龠容千二百黍兩之為兩十六兩為斤三十斤為鈞四鈞為
石權生衡、生規、生槩、生繩、生準是謂五則以為大輒十斗
為斛百二十斤為石斛屬五量之一石屬五權之一今人以五斗為
斛十斗為石古未之聞也隋開皇時以古斗三升為一升以古稱
三斤為一斤不過言其大畧即以漢器比漢器亦互有參差况遠
隔數千載後乎度較權量稍有可據狀未得真器轉相仿倣
高麗縮隨時欲以紙上設兵殊非易、桂末谷明府集諸尺拓木
以乾隆六年工部貯庫較準營造錢尺及衍聖公府所存漢建
初銅尺為主自是定論建初尺當工部貯庫尺七寸四分工部尺當今
時裁尺八寸八分鵬近得孔梁南孝廉所比刻建初尺較金石志所刻
為長較王孝廉容谷所刻為短較公府真尺不爽庶可以測古器矣





道光元年四月朔日鏤
板于嶧陽署齋於時日月合
璧五星聯珠記之



